



## Radunonza da vischnaunca

La proxima radunonza da vischnaunca ha liug mesjamna, ils 23 d'ost 2023 allas 20.00 uras a Sumvitg.

### Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-06-2023
4. Tractaziun ed approbaziun dalla revisiun parziala dalla constituiun communal (DC 010.000) per mauns dalla votaziun all'urna
5. Approbaziun dalla dissoluziun dalla Corporaziun schigentera solara da gliet Cadi (CSSC)
6. Tractaziun ed approbaziun dil credit brut da 300'000 francs per la planisaziun dall'ovra Resgia a Rabius
7. Orientaziuns
8. Varia

Dils acts tier la tractanda 4 sa vegnir priu investa sin canzlia communal ni sin la pagina d'internet [www.sumvitg.ch](http://www.sumvitg.ch).

Sumvitg, 04-08-20023

*Suprastonza communal*

## Ovra hidraulica Cumpadials – lingia da pressiun e nova lingia d'aua en Via Foppa

Muort la construcziun dalla lingia da pressiun dall'ovra hidraulica Cumpadials ed ina nova lingia pil providiment d'aua da Cumpadials vegn la Via Foppa serrada per tut il traffic naven dils 16-08-2023 entochen circa ils 22-09-2023. Per ils vischins dil quartier Foppa vegn mess a disposiziun duront il temps da construcziun in parcadi sper la Via Camon. Per damondas stat Walter Deplazes dil biro d'inschignier Deplazes (tel. 081 943 25 60) a disposiziun.

Sumvitg, 04-08-2023

*Departament traffic*

## Ballapei Team Cadi

Preziai geniturs, cars affons. Era quest atun porscha la US Danis-Tavanasa ed il CB Trun/Rabius als affons da scoletta e pli vegls la pusseivladad da dar ensemen ballapei.

### **Emprem trenament annadas 2015/16**

9-8-2023 allas 17.00 - 18.30 uras a Mutteins(Tavanasa)

### **Emprem trenament annadas 2017/18**

16-8-2023 allas 17.00 - 18.30 uras a Rabius

Dapli sclariment dat Reto Caduff sut 078 793 24 23. Fagess plascher da beneventar ina u l'autra fatscha nova.

### **Meisa da miezdi (gentar communabel) dalla Pro Senectute a Cumpadials**

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Igl intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: Ustria dalla Staziun, 7176 Cumpadials

Datum: **venderdis, ils 11 d'uost allas 11.45**

Annunzias: Ein da far entochen mesjamna sera tier Ustria dalla Staziun, Cumpadials, tel. 081 943 19 22